

## O'ZBEKISTON RESPUBLIKASINING QONUNI

### 2022-YIL UCHUN O'ZBEKISTON RESPUBLIKASINING DAVLAT BUDJETI TO'G'RISIDA

Qonunchilik palatasi tomonidan 2021-yil 26-noyabrda qabul qilingan  
Senat tomonidan 2021-yil 15-dekabrdan  
ma'qullangan

#### 1-bob. Umumiy qoidalar

##### 1-modda. Ushbu Qonunning maqsadi

Ushbu Qonunning maqsadi 2022-yil uchun O'zbekiston Respublikasining konsolidatsiyalashgan budgetini shakllantirish va ijro etish bilan bog'liq munosabatlarni tartibga solishdan iborat.

##### 2-modda. Birinchi darajali budget mablag'larini taqsimlovchilar uchun O'zbekiston Respublikasining respublika budgetidan ajratiladigan mablag'lardan foydalanish

Birinchi darajali budget mablag'larini taqsimlovchilarga O'zbekiston Respublikasining respublika budgetidan (bundan buyon matnda respublika budgeti deb yuritiladi) ushu Qonunga muvofiq ajratiladigan mablag'lardan faqat 2022 moliya yili davomida foydalaniladi va kelgusi moliya yiliga o'tkazilmaydi.

Birinchi darajali budget mablag'larini taqsimlovchilar O'zbekiston Respublikasi Vazirlar Mahkamasi (bundan buyon matnda Vazirlar Mahkamasi deb yuritiladi) bilan kelishgan holda o'zining joriy xarajatlari tarkibidagi tarmoqni rivojlantirish davlat dasturlarini (bundan buyon matnda rivojlantirish dasturlari deb yuritiladi) amalga oshirish uchun ajratilgan mablag'larni bir rivojlantirish dasturidan boshqa rivojlantirish dasturiga qayta taqsimlashga haqli.

Birinchi darajali budget mablag'larini taqsimlovchilar Qoraqalpog'iston Respublikasi budgeti, viloyatlar va Toshkent shahar mahalliy budgetlaridan moliyalashtiriladigan quyi tashkilotlariga o'zlariga respublika budgetidan ajratilgan budget mablag'larining cheklangan miqdorlarini 10 foizigacha Vazirlar Mahkamasining qaroriga asosan yo'naltirishga haqli.

Vazirliklar va idoralarning ichki audit xizmati tegishli rivojlantirish dasturlarining samaradorligi natijalarini tahlil qiladi hamda tahlil natijalari to'g'risidagi hisobotlarni hisobot choragidan keyingi oyning 20-sanasiga qadar O'zbekiston Respublikasi Moliya vazirligiga taqdim etadi.

Ijtimoiy jihatdan ahamiyatga molik milliy davlat dasturlarini, shuningdek ishlab chiqarish va noishlab chiqarish infratuzilmasini shakllantirishga doir loyihalarni moliyalashtirishni qo'llab-quvvatlash maqsadida chet el manbalaridan (chet davlatlardan, xalqaro tashkilotlardan, xalqaro moliya va iqtisodiy institatlardan, chet el hukumatlarining moliya tashkilotlardan) grant tarzida ajratilgan mablag'larni (miqdori va sohalari O'zbekiston Respublikasi hukumati tomonidan mustaqil belgilash shartlari (imkoniyatlari)da taqdim etilgan grant mablag'lari bundan mustasno) birinchi darajali budget mablag'larini taqsimlovchilar uchun ajratilishi belgilangan miqdorlari ushu Qonunga o'zgartirish kiritilmasdan ko'paytiriladi.

##### 2-bob. O'zbekiston Respublikasining konsolidatsiyalashgan budgeti parametrlari

##### 3-modda. O'zbekiston Respublikasining konsolidatsiyalashgan budgeti daromadlari va xarajatlari

2022-yil uchun O'zbekiston Respublikasi konsolidatsiyalashgan budgetining jamlanma parametrlari hamda 2023-2024-yillarga budget mo'ljallari [1-ilovaga](#) muvofiq, ularni tayyorlashda asos bo'lgan 2022-yil uchun O'zbekiston Respublikasini rivojlantirishning asosiy makroiqtisodiy ko'rsatkichlari prognozi va 2023-2024-yillarga maqsadli mo'ljallar [2-ilovaga](#) muvofiq ma'lumot uchun qabul qilinsin.

##### 4-modda. Davlat maqsadli jamg'armalarining hamda O'zbekiston Respublikasi Tiklanish va taraqqiyot jamg'armasining daromadlari prognozi va xarajatlari

2022-yil uchun davlat maqsadli jamg'armalarining hamda O'zbekiston Respublikasi Tiklanish va taraqqiyot jamg'armasining daromadlari prognozi ma'lumot uchun qabul qilinsin hamda

ularning xarajatlari [3-ilovaga](#) muvofiq tasdiqlansin.

## **5-modda. Respublika budjeti daromadlari prognozi va xarajatlari**

2022-yil uchun respublika budjeti daromadlari prognozi [4-ilovaga](#) muvofiq ma'lumot uchun qabul qilinsin.

2022-yil uchun respublika budgetidan birinchi darajali budjet mablag'larini taqsimlovchilarga ajratiladigan mablag'larning cheklangan miqdorlari [5-ilovaga](#) muvofiq tasdiqlansin.

Davlat hokimiyati va boshqaruvi organlarining, sud va prokuratura organlarining budgetdan tashqari jamg'armalariga soliqlar, davlat bojlari, yig'imlar va soliq bo'limgan to'lovlar, ma'muriy jarimalar hamda moliyaviy sanksiyalar hisobidan kelib tushadigan mablag'larning bir qismi O'zbekiston Respublikasi Prezidentining va Vazirlar Mahkamasining qarorlariga asosan respublika budgetiga o'tkazilishi mumkin.

## **6-modda. Qoraqalpog'iston Respublikasi budgetining, viloyatlar hamda Toshkent shahar mahalliy budgetlarining daromadlari va xarajatlari prognozlari**

2022-yil uchun Qoraqalpog'iston Respublikasi budgetining, viloyatlar hamda Toshkent shahar mahalliy budgetlarining daromadlari va xarajatlari prognozlari [6-ilovaga](#) muvofiq ma'lumot uchun qabul qilinsin.

2022-yil uchun respublika budgetidan Qoraqalpog'iston Respublikasining respublika budgetiga va viloyatlarning viloyat budgetlariga ajratiladigan tartibga soluvchi budgetlararo transfertlar miqdorlari [7-ilovaga](#) muvofiq tasdiqlansin.

Ushbu Qonunda nazarda tutilgan tartibga soluvchi budgetlararo transfertlar miqdorini Qoraqalpog'iston Respublikasining respublika budgeti va viloyatlarning viloyat budgetlari daromadlari prognozining ijrosidan qat'i nazar, kamaytirishga yo'l qo'yilmaydi.

## **7-modda. Ayrim to'lovlar stavkalari**

2022-yil uchun:

mol-mulkni ijaraga beruvchi jismoniy shaxslar uchun belgilangan ijara to'lovining eng kam stavkalari [8-ilovaga](#) muvofiq (soliq solish maqsadlari uchun);

tovarlarning ayrim turlari bilan chakana savdo qilish huquqi uchun yig'imlarning cheklangan stavkalari [9-ilovaga](#) muvofiq;

chet davlatlar avtotransport vositalarining O'zbekiston Respublikasi hududiga kirganligi va uning hududi orqali tranziti uchun yig'imlarning stavkalari [10-ilovaga](#) muvofiq tasdiqlansin.

O'zbekiston Respublikasi hududiga tovarlarni olib kirishda qo'llaniladigan bojxona bojlari stavkalari O'zbekiston Respublikasi Prezidentining qarori bilan tasdiqlanadi.

## **8-modda. Vazirlar Mahkamasining, Qoraqalpog'iston Respublikasi respublika budgetining, viloyatlar viloyat budgetlarining va Toshkent shahri shahar budgetining, tumanlar va shaharlar budgetlarining zaxira jamg'armalarini shakllantirish**

2022-yil uchun Vazirlar Mahkamasining zaxira jamg'armasi hajmi 708,9 mlrd so'm miqdorida belgilansin.

Qoraqalpog'iston Respublikasi respublika budgetining, viloyatlar viloyat budgetlarining va Toshkent shahri shahar budgetining, tumanlar va shaharlar budgetlarining 2022-yil uchun zaxira jamg'armalari tegishli budgetlar tasdiqlangan umumiylarining kamida 1,0 foizi miqdorida shakllantiriladi.

Qoraqalpog'iston Respublikasi respublika budgetini, viloyatlar viloyat budgetlarini va Toshkent shahri shahar budgetini, tumanlar va shaharlar budgetlarini ijro etishda yuqori turuvchi budgetdan ularga ajratiladigan budgetlararo transfertlar miqdori oshgan hollarda tegishli budgetlar zaxira jamg'armalarining belgilangan miqdorlari qayta ko'rib chiqilmaydi.

Vazirlar Mahkamasining zaxira jamg'armasidan mablag'lar ajratilgan taqdirda ushbu Qonunga o'zgartishlar kiritilmaydi.

## **9-modda. 2022-yilda O'zbekiston Respublikasining budjet tizimi barqarorligini ta'minlash**

O'zbekiston Respublikasi budjet tizimi budgetlarining olti oylik ijrosi yakunlari bo'yicha daromad prognozlari bajarilmagan va joriy moliya yilining oxirigacha ularning kelib tushishi uchun yetarli asoslар mavjud bo'limgan hollarda:

respublika budjeti umumiylarining 3 foizi va undan ortiq foizi miqdoridagi xarajatlarni qisqartirish Vazirlar Mahkamasining taklifiga ko'ra O'zbekiston Respublikasi Oliy Majlisi palatalari tomonidan;

respublika budjeti umumiylarining 3 foizidan kam miqdoridagi xarajatlarni qisqartirish O'zbekiston Respublikasi Moliya vazirligining taklifiga ko'ra Vazirlar Mahkamasining qarori asosida amalga oshiriladi.

Qoraqalpog'iston Respublikasi respublika budjetining, viloyatlar viloyat budjetlarining va Toshkent shahri shahar budjetining, tumanlar va shaharlar budjetlarining xarajatlarni qisqartirish bo'yicha qarorlar tegishincha Qoraqalpog'iston Respublikasi Jo'qorg'i Kengesi, xalq deputatlari viloyatlar hamda Toshkent shahar, tumanlar va shaharlar Kengashlari tomonidan qabul qilinadi.

Budgetlar xarajatlarni qisqartirishda budget tashkilotlarining va budget mablag'larini oluvchilarining budget mablag'larini o'zlashtirishi, shuningdek qabul qilingan yuridik va moliyaviy majburiyatlar hisobga olinadi. Bunda ish haqi va unga tenglashtirilgan to'lovlarini kamaytirish O'zbekiston Respublikasining Budget kodeksi [120-moddasiga](#) muvofiq amalga oshiriladi.

### **10-modda. O'zbekiston Respublikasi nomidan va O'zbekiston Respublikasining kafolati ostida olinadigan davlat qarzining cheklangan hajmini belgilash**

O'zbekiston Respublikasi nomidan va O'zbekiston Respublikasining kafolati ostida jalb qilingan davlat qarzining summasi yalpi ichki mahsulotning yillik prognoz ko'rsatkichiga nisbatan 60 foizdan oshmasligi kerak.

2022-yil uchun O'zbekiston Respublikasi (O'zbekiston Respublikasi hukumati) nomidan va O'zbekiston Respublikasining kafolati ostida tashqi qarzlarni jalb qilish bo'yicha yillik imzolanadigan yangi bitimlarning cheklangan hajmi 4,5 mlrd AQSh dollari, shundan O'zbekiston Respublikasining Davlat budgetini qo'llab-quvvatlash, shu jumladan O'zbekiston Respublikasining Davlat budgeti taqchillagini moliyalashtirish uchun — 2,5 mlrd AQSh dollari, investitsiya loyihalarini moliyalashtirish uchun — 2,0 mlrd AQSh dollari miqdorida belgilansin.

2022-yil uchun O'zbekiston Respublikasi nomidan chiqariladigan davlat qimmatli qog'ozlarining cheklangan sof hajmi 6,0 trln so'm miqdorida belgilansin. Bunda moliya yili davomida chiqariladigan hamda joriy yilda so'ndiriladigan O'zbekiston Respublikasi davlat qimmatli qog'ozlari cheklangan sof hajmga kiritilmaydi.

### **11-modda. O'zbekiston Respublikasining konsolidatsiyalashgan budgeti taqchilligining cheklangan miqdorini belgilash**

2022-yil uchun O'zbekiston Respublikasining konsolidatsiyalashgan budgeti taqchilligining cheklangan miqdori yalpi ichki mahsulotning 3 foizi miqdorida belgilansin.

O'zbekiston Respublikasi konsolidatsiyalashgan budgeti taqchilligi cheklangan miqdorining oshib ketishiga olib kelishi mumkin bo'lган qo'shimcha xarajatlar faqat qo'shimcha daromad manbai mavjud bo'lganda yoki boshqa xarajatlarni qisqartirish hisobiga amalga oshiriladi.

2023-yildan boshlab O'zbekiston Respublikasining konsolidatsiyalashgan budgeti taqchilligining yuqori cheklangan miqdori yalpi ichki mahsulotning yillik prognoz ko'rsatkichiga nisbatan 3 foizdan oshmasligi kerak.

### **3-bob. Budgetlararo munosabatlarni tartibga solishning o'ziga xos xususiyatlari**

#### **12-modda. 2022-yil uchun Qoraqalpog'iston Respublikasi budgeti, viloyatlar va Toshkent shahar mahalliy budgetlari, tumanlar va shaharlar budgetlari daromadlarini shakllantirishning o'ziga xos xususiyatlari**

Soliqlarning quyidagi turlari tumanlar va shaharlar budgetlariga to'liq hajmda o'tkaziladi:

jismoniy shaxslardan olinadigan mol-mulk solig'i;

jismoniy shaxslardan olinadigan yer solig'i;

jismoniy shaxslar tomonidan mol-mulkni ijara berishdan olingan daromadlar bo'yicha deklaratsiya asosida to'lanadigan soliqlar, shuningdek yakka tartibdagi tadbirkorlar to'laydigan jismoniy shaxslardan olinadigan daromad solig'i;

suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;

qurilish materiallari bo'yicha yer qa'ridan foydalanganlik uchun soliq.

Qoraqalpog'iston Respublikasining respublika budgetiga, viloyatlarning viloyat budgetlariga va Toshkent shahrining shahar budgetiga quyidagilar to'liq hajmda o'tkaziladi:

yuridik shaxslarning mol-mulkiga solinadigan soliq;

yuridik shaxslardan olinadigan yer solig'i;

elektr stansiyalari tomonidan to'lanadigan suv resurslaridan foydalanganlik uchun soliq;

benzinni, dizel yoqilg'isini va gazni yakuniy iste'molchilarga realizatsiya qilishdagi aksiz solig'i; aylanmadan olinadigan soliq;

qonunchilikda belgilangan miqdorlardagi davlat bojlari (patent bojlaridan va litsenziyalar beraganlik uchun davlat bojlaridan tashqari);

qonunchilikda belgilangan miqdorlarda O'zbekiston Respublikasining Davlat budgetiga undiriladigan jarimalar;

ayrim turdag'i tovarlarning chakana savdosiga doir huquq uchun yig'imlar;

qonunchilikda belgilangan miqdorlarda O'zbekiston Respublikasining Davlat budgetiga undiriladigan boshqa yig'imlar (bojxona organlari tomonidan undiriladigan yig'imlardan hamda g'ildirakli transport vositalari, o'ziyurar mashinalar va ularning tirkamalari uchun utilizatsiya yig'imidan, shuningdek avtotransport vositalari oynalarining tusini o'zgartirishga (qoraytirishga) ruxsatnomasi berish uchun to'lovdan tashqari);

qonunchilikda belgilangan miqdorlarda davlat daromadiga o'tkazilgan mol-mulkni realizatsiya qilishdan tushgan tushumlar, mahalliy davlat hokimiyati organlarining ulushi bo'yicha dividendlar (daromadlar) va ajratmalar;

davlat aktivlarini joylashtirishdan, foydalanishga (ijaraga) berishdan va sotishdan qonunchilikda belgilangan normativlar bo'yicha olingan daromadlar;

mobil aloqa xizmatlari, tamaki va alkogol mahsulotlari, shu jumladan pivo uchun aksiz solig'i bo'yicha tushumlar tegishinchcha 2021-yilning 1-iyul holatiga ko'ra Qoraqalpog'iston Respublikasi, viloyatlar va Toshkent shahri aholisi sonining respublika aholisi sonidagi ulushiga muvofiq.

Qoraqalpog'iston Respublikasining respublika budgetiga, viloyatlarning viloyat budgetlariga va Toshkent shahrining shahar budgetiga quyidagi ulushlarda:

jismoniy shaxslardan olinadigan daromad solig'idan tushumlarning (jismoniy shaxslar mol-mulkini ijara berishdan oladigan yillik daromadi to'g'risidagi deklaratsiyaga asosan to'laydigan, shuningdek yakka tartibdagi tadbirdorlar to'laydigan jismoniy shaxslardan olinadigan daromad solig'idan tashqari) Navoiy viloyatida 63 foizi, Toshkent viloyatida 42 foizi, Toshkent shahrida 5 foizi, Qoraqalpog'iston Respublikasi va boshqa viloyatlarda 100 foizi;

foyda solig'idan tushumlarning (O'zbekiston Respublikasi Prezidentining qarori bilan tasdiqlanadigan ro'yxatga muvofiq yirik soliq to'lovchilar, O'zbekiston Respublikasida doimiy faoliyat olib boruvchi muassasa orqali faoliyat yurituvchi O'zbekiston Respublikasi norezidentlari tomonidan, shuningdek norezidentlarning to'lov manbaida ushlab qolinadigan daromadlaridan to'lanadigan foyda solig'idan tashqari) Navoiy viloyatida 63 foizi, Toshkent viloyatida 40 foizi, Toshkent shahrida 5 foizi, Qoraqalpog'iston Respublikasi va boshqa viloyatlarda 100 foizi o'tkaziladi.

Qoraqalpog'iston Respublikasi Jo'qorg'i Kengesi, xalq deputatlari viloyatlar, Toshkent shahar Kengashlari:

tegishli darajadagi mahalliy budgetlarga ajratiladigan soliqlarni va boshqa turdag'i daromadlarni (shu jumladan ushbu moddaning birinchi va ikkinchi qismlarida ko'rsatilgan daromadlarni) hamda budgetlararo transfertlarni taqsimlashga;

yuridik shaxslarning mol-mulkiga solinadigan soliq hamda yuridik shaxslardan olinadigan yer solig'i tushumlarini tumanlar va shaharlar budgetlariga yo'naltirishga;

daromadlarning prognozini oshirib bajarishdan olingan mablag'larning bir qismini tumanlar va shaharlar budgetlariga hududlarni ijtimoiy-iqtisodiy rivojlantirish dasturlarini amalga oshirish uchun berishga haqli.

Xalq deputatlari tumanlar va shaharlar Kengashlari tumanlar hamda shaharlarning ommaviy dam olishga va (yoki) turizmga ixtisoslashtirilgan ayrim hududlarida mol-mulkni ijara beruvchi jismoniy shaxslar uchun belgilangan ijara to'lovining eng kam stavkalariga Toshkent shahri uchun belgilangan miqdorlargacha o'sib boruvchi koeffitsiyentlarni kiritishga haqli.

Agar qonunchilikda mahalliy budgetlarga o'tkaziladigan daromadlarning taqsimlanishi nazarda tutilmagan bo'lsa, daromadning ushbu turi Qoraqalpog'iston Respublikasining respublika budgetiga, viloyatlarning viloyat budgetlariga va Toshkent shahrining shahar budgetiga o'tkaziladi.

Davlat korxonalari hamda ustav kapitalida 50 foiz va undan ortiq miqdorda davlat ulushi mavjud bo'lgan yuridik shaxslar tomonidan 2022-yilning 1-iyuliga qadar 2021-yil yakunlari bo'yicha o'z sof foydasining 50 foizidan kam bo'limgan miqdorida, oltin qazib oluvchi korxonalar tomonidan esa 100 foizi miqdorida ajratmalar va davlat ulushi bo'yicha dividendlar hisoblanadi hamda 2022-yilning 1-sentabridan kechiktirmay tegishli darajadagi budgetlarga o'tkaziladi.

O'zbekiston Respublikasi Moliya vazirligi davlat korxonalari hamda ustav kapitalida 50 foiz va undan ortiq davlat ulushi mavjud bo'lgan yuridik shaxslar, shuningdek ularning tarkibiga kiruvchi korxonalar tomonidan 2022-yil uchun dividendlar (sof foydadan ajratmalar) to'lash miqdori va davriyilagini qonunchilikda belgilangan tartibda aniqlashga haqli.

### **13-modda. 2022-yilda O'zbekiston Respublikasining Davlat budgeti xarajatlarini amalga oshirishning o'ziga xos xususiyatlari**

Mahalliy davlat hokimiyati organlarining tashabbusiga ko'ra amalga oshiriladigan qo'shimcha tadbirlarni moliyalashtirish faqat Qoraqalpog'iston Respublikasi budgetining, viloyatlar va Toshkent shahar, tumanlar va shaharlar mahalliy budgetlarining qo'shimcha manbalari hisobidan amalga oshiriladi.

Qoraqalpog'iston Respublikasi Vazirlar Kengashi raisi, viloyatlar va Toshkent shahar, tumanlar va shaharlar hokimlari tegishli budgetlarini birinchi navbatda ish haqi va unga tenglashtirilgan to'lovlari, oziq-ovqat, dori-darmon va kommunal xizmatlar uchun xarajatlar rejalashtirilishini nazarda tutgan holda shakllantiradi.

Choraklar yakuni bo'yicha ushbu Qonunning [6-ilovasida](#) keltirilgan daromadlarning prognoz ko'rsatkichlari mahalliy ijro hokimiyati organlarining faoliyatiga bog'liq bo'limgan sabablarga ko'ra 5 foizdan ortiq miqdorga bajarilmasa va moliya yili oxirigacha ushbu mablag'larning tushish ehtimoli bo'lmasa, Qoraqalpog'iston Respublikasi Vazirlar Kengashi, viloyatlar va Toshkent shahar hokimliklari Vazirlar Mahkamasiga xarajatlarni maqbullashtirish yuzasidan ko'rilgan choralar bilan birga tartibga soluvchi budgetlararo transfertlar miqdorini oshirish yuzasidan murojaat qiladi hamda mazkur taklif Vazirlar Mahkamasi tomonidan ushbu Qonunda belgilangan tartibda ko'rib chiqiladi. Tumanlar va shaharlar hokimlari ham Qoraqalpog'iston Respublikasi Vazirlar Kengashiga, viloyatlar va Toshkent shahar hokimiyatlariga xuddi shunday tartibda murojaat etadi.

2022-yilda:

Toshkent shahrining umumiy o'rta ta'lim tashkilotlari, maktabgacha ta'lim tashkilotlari, sog'liqni saqlash muassasalari va ichimlik suvi bilan ta'minlash tizimi obyektlarini loyihalashtirish, qurish (rekonstruksiya qilish), mukammal ta'mirlash va jihozlash uchun kapital qo'yilmalarga doir xarajatlar Toshkent shahrining shahar budgetidan;

Qoraqalpog'iston Respublikasi va viloyatlarning umumiy o'rta ta'lim tashkilotlari, maktabgacha ta'lim tashkilotlari, sog'liqni saqlash muassasalari obyektlarini loyihalashtirish, qurish (rekonstruksiya qilish), mukammal ta'mirlash va jihozlash, shuningdek sug'oriladigan yerlarning meliorativ holatini yaxshilash tadbirlari doirasida obyektlarni loyihalashtirish, qurish (rekonstruksiya qilish), mukammal ta'mirlash hamda ta'mirlash-tiklashga doir xarajatlar Qoraqalpog'iston Respublikasining respublika budgetidan va viloyatlarning viloyat budgetlaridan;

advokatlar tomonidan ko'rsatiladigan yuridik yordam uchun haq to'lashga doir xarajatlar tegishinchada Qoraqalpog'iston Respublikasining respublika budgetidan, viloyatlarning viloyat budgetlaridan va Toshkent shahrining shahar budgetidan;

ko'p kvartirali uy-joy fondiga tutash hududlarni ta'mirlash hamda O'zbekiston Respublikasi Uy-joy communal xizmat ko'rsatish vazirligi tizimiga kiruvchi issiqlik ta'minoti tashkilotlarining issiqlik tarmoqlarini va qozonxona uskunalarini mukammal ta'mirlashga doir xarajatlar